

**2018-imut aningaasanut inatsisissatut siunnersuut**

**pillugu**

**Aningaasaqarnermut Akileraartarnermullu Ataatsimiititaliap**

**inatsisissatut siunnersuutip aappassaaneerneqarneranut**

**ISUMALIUTISSIISUTAA**

Suliarinninnermini ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq  
Inatsisartunut ilaasortaq Randi V. Evaldsen, Demokraatit, siulittaasup tullia  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Martha Lund Olsen, Siumut  
Inatsisartunut ilaasortaq Bendt B. Kristiansen, Inuit Ataqatigiit  
Inatsisartunut ilaasortaq Ineqi Kielsen, Siumut  
Inatsisartunut ilaasortaq Kelly Berthelsen, Inuit Ataqatigiit

**Imarisai:**

1. Aallaqqaasiut4	
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	4
1.2 Ataatsimoortumik tulleriiarisarnissamik tunngavik	5
1.3 Naalakkersuisut iluarsartuusseqqinnerit suliniutillu pingaartitaat	5
2. Naalakkersuisut allannguutissatut siunnersuutaat	6
2.1 Aningaasaqarnermut Ataatsimiititaliap ataatsimut isigalugu isummernera	7
3. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassa qarfinnut agguataarlugit	7
4. Aningaasaliissutininut allannguutissatut siunnersuutit	8
4.1. Sammisaaq 1 – Aaqqissuinikkut allannguutit	8
4.2. Sammisaaq 2 – Missingersuutininut sunniuteqanngitsumik allannguutit	9
4.3. Sammisaaq 3 – Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat	10
4.4. Sammisaaq 4 – Aningaasartuuteqarnerunissamik kissaatit	10
4.5. Sammisaaq 5 – Suliassanik kommunininut nuussineq	11
4.6. Sammisaaq 6 – Kontumit pingaarnermit atugassanngortitsineq, 20.11.70 Suliniutininut nutaanut sillimmatit	12
4.7. Sammisaaq 7 – Konto pingaarneq 20.11.51 Aaqqissuusseqqinerit sunniutaat	12
4.8. Sammisaaq 8 – Nukissiuuteqarnermi akigitinneqartut aaqqissuuteqqinnerat	13
5. Oqaasertaliussanut allannguutissatut siunnersuutit	14
5.1 Naalakkersuisut oqaasertaliussanut allannguutissatut siunnersuutaat	14
6. Aningaasaqarnermut Ataatsimiititaliap inassuteqaatai	15

**Ilanngussanut takussutissiaq:**

- A. Aningaasaqarnermut Ataatsimiititaliap 4. september 2017-imi Naalakkersuisunut apeqqutai.
- B. Aningaasaqarnermut Ataatsimiititaliap apeqqutaanut Naalakkersuisut 28. September 2017-imi akissutaat, tak. ilanngussaq A.
- C. Naalakkersuisut aningaasaliissutitut allannguutissatut siunnersuutaat 26. oktober 2017-imeersut. (Allannguutissatut siunnersuutit nr. 1-74).
- D. Naalakkersuisut oqaasertaliussanut allannguutissatut siunnersuutaat 26. oktober 2017-imeersut. (Allannguutissatut siunnersuutit nr. 75-90).

## 1. Aallaqqaasiut

2018-imi aningaasanut inatsisissatut siunnersuut Inatsisartunit ulloq 26. september 2017-imi siullermeerneqarpoq. Inatsisartut Naalakkersuisullu pillugit inatsimmi § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappassaaneer-neraratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Sisimiuni 14.-18. august 2017-imi missingersuutit pillugit isumasioqatigiinnermi ataatsimiititaliamit misissorneqarpoq. Aningaasanut inatsisissatut siunnersuummik misissuinini suliarinninninilu tunngavigalugit apeqqutini oqaaseqaatinilu Naalakkersuisunut ulloq 4. september 2017-imi allagaqarnermigut ataatsimiititaliap nassiuppai. Ilanngussaq A innersuussutigineqarpoq. Ataatsimiititaliap apeqqutaanut Naalakkersuisut 28. septembarimi akissutaat pillugit ilanngussaq B innersuussutigineqarpoq.

Aningaasanut inatsisissatut siunnersuummik Inatsisartut siullermeerinninnerat tunngavigalugu Naalakkersuisut ulloq 26. oktober 2017-imi allannguutissatut siunnersuutit 90-it Aningaasaqarnermut Ataatsimiititaliamut nassiuppaat. *Aningaasaliissutinut* taamatullu *oqaasertaliussanut* allannguutissatut siunnersuuteqartoqarpoq. Allannguutissatut siunnersuutit isumaliutissiis-summumt ilanngussaq C-tut aamma D-tut ilanngunneqarput.

Inatsisartut aningaasanut inatsisissatut siunnersuummik aappassaaneerinninnissaannut ataatsi- miititaliaq matumuuna isumaliutissiissuteqarpoq.

### 1.1 Aningaasanut inatsisissatut siunnersuutip ilusiligaanera aningaasaliisarnermilu male- ruagassat

Aningaasanut inatsisissatut siunnersuutip ilusiligaanera missingersuutit pillugit inatsimmi nutaa- mi kapitali 4-mi pingaarnertigut aalajangersarneqarpoq. Naalakkersuisut aningaasanut inatsis-issatut siunnersuutip suliarineqarnissaanut aaqqissuunneqarnissaanullu malittarisassaliorsinnaasut § 13, imm. 1-imi allassimavoq. Malitsigisatut nalunaarutinik attuumassutilinnik, inatsisip piviusunngortinneqarnissaanut aqutsivigineqarnissaanullu pingaaruteqartunik, suliaqarner- tik Naalakkersuisut aallartissimagaat AIS 2018-imut nalinginnaasumik nassuiaatinik misissuiner- mini ataatsimiititaliap maluginiarpaa. Suliali tamatuma qaqugu naammassineqartussatut naat- sorsuutigineqarnera Naalakkersuisut paasissutissiissutigisimanngilaat. Tamatumali peqatigisaa- nik ataatsimiititaliamit oqaatigineqassaaq inatsisimmi nutaami kapitali 4-p inatsisaasimasumi aalajangersakkat annertunerpaatigut assigigai. Inatsimmi nutaami kapitali 3-mi aningaasaliisar- nermi tunngaviit pillugit aalajangersakkat inatsisaasimasumi aalajangersakkat aamma assigaaq. Aningaasanut inatsisissatut siunnersuutip matuma ilusiligaaneranut Aningaasaqarnermut Akileraartarnermulu Ataatsimiititaliaq maannangaaq oqaaseqaatissaqanngilaq.

Inatsisip nutaap kapitali 2-ani nutaatut ilanngunneqarpoq missingersuutit oqimaaqatigiissinne- qarnissaannik piumasaqaat. Aalajangersakkakut aalajangersarneqarpoq missingersuutit tamar- miusut pisortat aningaasaqarneranni tamarmiusuni ukiut sisamat ingerlaneranni oqimaaqatigiis- sinneqassasut imaluunniit sinneqartoorfiussasut. Tamanna siumoortumik kingumoortumillu atuuppoq. Tamatuma kinguneraa missingersuutit ukiuanni ingerlasumi missingersuutit ukiunut naatsorsuusiorfinnut kingullernut pingasunut sanilliullugit nalilerneqassammata. Ukiut sisamat ingerlanneranni missingersuutit oqimaaqatigiippata sinneqartoorfiuppataluunniit ukiumi ataatsi- mi amigartooruteqartoqarsinnaavoq.

Missingersuutit oqimaaqatigiinnissaannik piunasaqaat qaqugukkut eqquutsinneqarneris pillugu piunasaqaatinik arlalinnik inatsimmi aalajangersaasoqarpoq. Ingerlatsinermit aningaasartuutit tamarmiusut ukiumut annerpaamik 1,5 %-imik ukiullu sisamat ingerlaneranni 2 %-imik qaffassinnaapput, tamatumani aningaasat naleerukkiartornerat ilanngullugu isiginiarneqassaluni. Sanaartugassanut aningaasaliissutinut kommunit Namminersorlutilluunniit Oqartussat missingersuutit atugassiissutigissassa 7 %-imut minnerpaaffilerneqarsimapput. Tamatumani ilaatigut siunertarinerarluni sanaartugassanut aningaasaliissutit assigiiarnerusumik agguataarneqarnissaasa qulakkeerneqarnissaa ilaatigullu aserfallatsaaliinikkut kinguaattoornerup annertusinnissaata pinngitsoortinneqarnissaa.

Kiisalu inatsimmi nutaami kapitali 2-mi aalajangersakkamik, Namminersorlutik Oqartussani kommuninilu taarsigassarsisarnermut allatullu aningaasalersuisarnermut piunasaqaatinik imalimmik ilanngussisoqarpoq.

Aalajangersakkap siuliani taaneqartup ulluinnarni atorneqalernissaa ataatsimiititaliamit qilanaarinerpoq.

## 1.2 Ataatsimoortumik tulleriarisarnissamik tunngavik

Ataatsimoortumik pingaarnersiulluni tulleriarisarnermik periuseqarneq aningaasaqarnitta pilersarusiorneqarnerani pingaarnertut tunngaviuvoq. Aningaasaqarnerup naalackersuinikkut suli-aqartunit paasineqarsinnaanissaata anguniarneqarnissaa aallaavigalugu aammalu siamasissumik tulleriarinissap qulakkeerneqarnissaa periarfissaqaqqullugu tunngavik tamanna qitiullunnarpoq. Aningaasaqarnitta pilersarusiornera paasilertoruminartumik ingerlallugulu inuiaqatigiit aningaasatigut pisinnaasaannut naleqqussakkamik aningaasartuutigut aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartussaasuusunit aammalu aningaasaliissutit atorneqarnerannik nakkutilliisuusunit, akuersissutigineqartarpoq. Ukiumoortumik pingaarnersiulluni tulleriarineq kingusinnerusukut ilassutitut aningaasaliissuteqarnikkut aalajangiisuusumik allanngortinneqaqqusaanngilaq. Siumoortumik aningaasaliissuteqartoqarsimatinnagu aningaasaliissuteqartoqarsinnaanngilaq. Taamaattumillu iliuusissaq aningaasanut inatsimmi inatsisiniluunniit allani tunngavissinneqarsimatinnagu iliuusissap pivisunngortinneqarnissaa sioqqullugu aningaasaliissutitigut tunngavissaq pissarsiarineqaqqaassaaq.

Taamaattumik aningaasanut inatsimmi naatsorsuutigineqartumit amerlanerusunik ingerlatsinermit aningaasartuuteqarnissamik aalajangernissaq sioqqullugu Inatsisartut Naalackersuisullu sukumiisumik isumaliutiginneqaartarnissaat aalajangiisuusumik pingaaruteqarpoq.

Suliassaq taanna Aningaasaqarnermut Akileraartarnermullu Ataatsimiititaliap Naalackersuisullu kisimik naammassisinnaanngilaat, Inatsisartulli tamarmiusut peqataallutillu tapersersuinissaat pisariaqarpoq. Tamanna ukiuni makkunani minnerunngitsumik pisariaqarpoq, tassami aningaasaqarnikkut attassisinnaassuserput annertuumik uloriarnartorsiortinneqartoq aammalu imaallalaannaq aaqqiissuteqarnissaq ajornartoq erseqqissigaluttuinnarpoq.

## 1.3 Naalackersuisut iluarsartuusseqqinnerit suliniutillu pingaartitaat

Aningaasanut inatsisissatut siunnersuummut nalinginnaasumik nassuiaatini immikkoortoq 4-mi aamma 5-imi iluarsartuusseqqinnerit suliniutillu Naalackersuisunit pingaartinneqartut arlallit Naalackersuisunit nalunaarsorneqarput kiisalu aaqqiissuusseqqinnermik killiffik aamma attassisinnaanermut siuariartortitsinissamullu pilersaarummik malitseqartitsineq killiffissiorneqarluni. AIS 2018-imut atatillugu Naalackersuisut pingaarnersiullutik tulleriarinerat immikkoortoq 6-imi takuneqarsinnaavoq.

Pissutsit siuliani taaneqartut tunngavigalugit aningaasaqarnikkut attanneqarsinnaasumik siunisami ineriartortitsinissaq aalajangiisuusumik pingaaruteqartoq Aningaasaqarnermut Akileraartarnermullu Ataatsimiititaliaq isumaqarpoq. Aningaasaqarnikkut anguniakkat attanneqarsinnaangippata aningaasaqarnikkut isertitat malillugit pisortat atugarissaarnissamut tunniuttagaat qaffakkiartorsinnaangillat. Attassisinnaanermut siuariartortitsinissamullu pilersaarummi anguniakkat siunertallu amerlasuut qitiutillugit aningaasanut inatsimmik suliaqarneq naleqqussarneqassappat aningaasaqarnikkut anguniakkat pillugit naalackersuinikkut ukiumoortumik isumaqatigiinniarnert aalajangiisuullutillu qitiussasut ataatsimiititaliaq isumaqarpoq. Aningaasanut inatsimmik suliaqartarnissani aggersuni naalackersuinikkut suliniutissat ataatsimiititaliamit qilanaarinearput. Tassunga atatillugu aningaasaliissutinik sulit atugassiissutigineqanngitsunik peqarpat suliniutinut siursaataasunut naalackersuinikkullu pingaartitanut imaluunniit suliniutinut aningaasartuutikillisaataasunut atorneqartariaqarnerannik Naalackersuisut oqarnerat ataatsimiititaliamit isumaqatigineqaannarsinnaavoq. Tamanna aningaasanut inatsisissaq pillugu partii-nik oqaloqateqarnissaminni aallaavigissamaarlugu Naalackersuisut aningaasaqarnikkut ingerlatsineq pillugu 2016-imi nassuiaammi allammata ataatsimiititaliamit tusaatissatut tiguneqarpoq, tamatumani attassisinnaanermut siuariartortitsinissamullu pilersaarummik malitseqartitsinissamik apeqquq tamatuminngalu annertunerusumik erseqqissaaneq qitiutinneqassallutik.

## 2. Naalackersuisut allannguutissat siunnersuutaat

Naalackersuisut allannguutissat siunnersuutaannut Aningaasaqarnermut Ataatsimiititaliap inassuteqaatai isumaliutissiisummi matumani immikkoortuni 4-6-imi takuneqarsinnaapput.

Ilanngussaq 1-imi oqaatigineqartut Naalackersuisut isummernissaannut tunngavissiami inassuteqaatit akuerineqassappata AIS2018-ip appassaaneerneqarnerani IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput.

Aningaasat mio. kr.-inngorlugit.	2018	2019	2020	2021
AIS2018-imi IST-p inenera	-7,3	-8,1	-11,8	11,9
AIS2018-imi IS-ip inenera	-8,6	-4,7	1,2	12,1
Aappassaaneerinninnissamut allannguutissat siunnersuutit:				
IST-p inerneranut sunniutissat	7,2	-4,3	-6,8	-8,3
IS-p inerneranut sunniutissat	17,2	5,7	3,2	1,7
Aappassaaneerinninnissamut IST-p inenera	-0,1	-12,4	-18,6	3,6
Aappassaaneerinninnissamut IS-p inenera	8,6	1,0	4,4	13,8

2018-imi aningaasanut inatsisissat siunnersuutip Inatsisartunit aappassaaneerneqarnissaani Naalackersuisut allannguutissat siunnersuutaasa tamakkiisut sunniutissaat ingerlatsinermut, sanaartukkanut taarsigassarsarititanullu inernerusussatut missingersuutinut, IST-p inerneranut 2018-imi 7,2 mio. kr.-inik ajorseriaataassaaq, 2019-imi 4,3 mio. kr.-inik, 2020-imi 6,8 mio. kr.-inik aammalu 2021-mi 8,3 mio. kr.-inik pitsanngoriaataassalluni.

2018-imi aningaasanut inatsisissat siunnersuutip Inatsisartunit aappassaaneerneqarnissaani Naalackersuisut allannguutissat siunnersuutaasa tamarmiusut sunniutissaat ingerlatsinermut

sanaartukkanullu inernerussatut missingersuutitut, IS-p inerneranut 2018-imi 17,2 mio. kr.-inik, 2019-imi 5,7 mio. kr.-inik, 2020-imi 3,2 mio. kr.-inik 2021-milu 1,7 mio. kr.-inik ajorseriaataassaaq.

Tamatuma kingorna allannguutissatut siunnersuutit saqqummiunneqarnermittut akuerineqassappata 2018-imut aningaasanut inatsisip inenera tassaassaaq **IST-mi 0,1 mio. kr.-inik sinneqartooruteqarneq aammalu IS-imi 8,6 mio. kr.-inik amigartooruteqarneq**. Piffissaq aningaasanut inatsiseqarfiusoq 2018-2021 tamaat isigissagaanni IS-imi amigartoorutit tamarmiusut 27,8 mio. kr.-iussapput.

Naalakkersuisunit erseqqinnerusumik aalajangiunneqartut apeqqutaatillugit pingajussaaneerininnissamut allannguutissatut siunnersuutit inernerussamut taakkununga allangortitsissasut Naalakkersuisut paasissutissiisutigaat.

Inatsisip nutaap kapitali 2-ani nutaatut ilanngunneqarpoq missingersuutit oqimaaqatigiissinneqarnissaannik piunnaasaq. Aalajangersakkakut aalajangersarneqarpoq missingersuutit tamarmiusut pisortat aningaasaqarneranni tamarmiusuni ukiut sisamat ingerlaneranni oqimaaqatigiissinneqassasut imaluunniit sinneqartoorfiussasut. Tamanna siumoortumik kingumoortumillu atuuppoq. Tamatuma kinguneraa missingersuutit ukiuanni ingerlasumi missingersuutit ukiunut naatsorsuusiorfinnut kingullernut pingasunut sanilliullugit nalilerneqassammata. Ukiut sisamat ingerlaneranni missingersuutit oqimaaqatigiippata sinneqartoorfiuppataluunniit ukiumi ataatsimi amigartooruteqartoqarsinnaavoq. Inatsimmi § 2, imm. 2-mi piunnaasaqatitut allassimasut pingasut eqquutsinneqarsimappata missingersuutit oqimaaqatigiissinneqarnissaannik piunnaasaqat eqquutsinneqarsimasutut isigineqassaaq.

Missingersuutit oqimaaqatigiissinneqarnissaannik inatsimmi piunnaasaqat nutaaq eqquutsinneqarsimanngitsoq Aningaasaqarnermut Akileraartarnermullu Ataatsimiititaliamit nassuerutigineqartariaqarpoq. Tamatuma peqatigisaanik missingersuutit oqimaaqatigiissinneqarnissaannik inatsimmi aalajangersagaq qanoq eqquutsinneqalersaarnersoq nassuiaatigeqqullugu Naalakkersuisut ataatsimiititaliamit qinnuigineqarput.

### **2.1 Aningaasaqarnermut Ataatsimiititaliap ataatsimut isigalugu isummenera**

Naalakkersuisut aappassaaneerinninnissamut allannguutissatut siunnersuutaasa amerlanerpaartaasa akuersissutigineqarnissaat Aningaasaqarnermut Ataatsimiititaliamit inassutigineqarpoq. Siunnersuutip pingajussaaneerineqarnissaanut allannguutissatut siunnersuutitik allanik saqqummiussinissaq Naalakkersuisut naatsorsuutigaat.

### **3. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqarfinnut agguataarlugit**

Isumaliutissiisummi ilanngussat A aamma B ataatsimiititaliap Naalakkersuisunut aallarniutigalugu apeqqutaanik Naalakkersuisullu akissutaannik imaqartut, aallarniutigalugit innersuussutigineqassapput.

Aallarniutitut Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai.

#### 4. Aningaasaliissutitut allannguutissatut siunnersuutit

Immikkoortoq 1.2.3-mi taaneqartutut aningaasanut inatsisissatut siunnersuummut allannguutissatut siunnersuutit 90-inik Naalakkersuisut saqqummiussipput. Taakkunanga 16-it oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutit immikkoortuini 4-mi 5-imilu sammineqarput.

Aningaasaliissutitut allannguutissatut siunnersuutit sammisanut ukununga immikkoortinneqarsimapput:

- sammisaq 1 Aaqqissuinikkut allannguutit: allannguutissatut siunnersuutit 19-it
- sammisaq 2 Missingersuutitut sunniuteqanngitsumik allannguutit: allannguutissatut siunnersuutit 20-t
- sammisaq 3 Isertitaqarnerunissamik inatsisitigullu aningaasartuutitit pissusaaffigisanit naatsorsuutit nutaat: allannguutissatut siunnersuutit 7-it
- sammisaq 4 Aningaasartuuteqarnerunissamik kissaatit: allannguutissatut siunnersuutit 2-t
- sammisaq 5 Suliassanik kommuninut nuussineq: allannguutissatut siunnersuutit 5-it
- sammisaq 6 Kontumit pingaarnemit atugassanngortitsineq, 20.11.70 Suliniutinut nutaanut sillimmatit: allannguutissatut siunnersuutit 4-t
- sammisaq 7 Konto pingaarneq 20.11.51 Aaqqissuusseqqinerit sunniutaat: allannguutissatut siunnersuutit 6-it
- sammisaq 8 Nukissiuuteqarnermi akigitinneqartut aaqqissuuteqqinnerat: allannguutissatut siunnersuutit 11-it.

Aningaasaliissutitut allannguutissatut siunnersuutit nr. 1-imit nr. 74-imut *normulersugaapput*.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutitut takussutissiami* allassimapput; *ilanngussaq 1*. Aningaasaliissutitut takussutissiat Naalakkersuisut aningaasaliissutitut allannguutissatut siunnersuutaannut saarlinnngorlugit ilanngunneqarput, taakkulu isumaliutissiissummut ilanngussaq C-tut ilanngunneqarlutik.

Oqaasertaliussanut allannguutissatut siunnersuutit 16-iupput. Taakku nr. 75-imit nr. 90-imut *normulersugaapput*. Oqaasertaliussanut tunngatillugu normuliuunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiissummut ilanngussaq D-p ataani ilanngunneqarput.

##### 4.1. Sammisaq 1 – Aaqqissuinikkut allannguutit

Qulequttami tassani allannguutissatut siunnersuutit 19-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammisaq missingersuutitut ilanngussani oqaasertanik suliassamilu kisitsisinut takussutissianik il.il. nutarterinermut tunngassuteqarpoq. Ukioq manna ilaatigut utoqqalineri siusinaartumillu pensionisiat konto pingaarnep 30.12.08-p, Utoqqalineri pensionisiant tunngasup, kiisalu konto pingaarnep 30.12.09-p, Siusinaartumik pensionisiant tunngasup, ataani 1,4 procentimik qaffanneqassapput, tamannalu inatsisitigut piumasqaataavoq Naatsorsueqqissaartarfimmillu akit nikinnerinik kisitsisip nutaap tamanut saqqummiunneqarnera malillugu pisarluni. Konto pingaarnep 83.30.12-mi, Utoqqaat angerlarsimaffinut tunngasumi, Upernavimmi Aasiannilu



utoqqaat illuisa allinissaannut 18,0 aamma 16,4 mio. kr-it immikkoortinniarnearput. Aningaasat taakku atorlugit suliniutitut taakkununga sanaartornermi aningaasartuutit tamarmiusut 50 %-nik kommuninut tapiissuteqartoqassaaq.

Konto pingaarnermut 24.11.11-mut Qamutitut motoorilinnut akitsuutit

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerneqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 3)

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 1-ip ataani allannguutissatut siunnersuutit nr. 1-imit 19-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

**4.2. Sammissaq 2 – Missingersuutitut sunniuteqanngitsumik allannguutit**

Qulequttami tassani allannguutissatut siunnersuutitut 20-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiumu mis-singersuusiortiusuni ataatsimut isigalugu IST-mut sunniuteqassanngillat.

Tamatuma nassatarisaanik Nunatsinni Ilisimatusarnermik Siunnersuisoqatigiit ingerlanneqarnerannut konto pingaarnermut nutaamut 40.96.01-imut, Nunatsinni Ilisimatusarnermik Siunnersuisoqatigiinnut tunngasumut, aningaasanik nuussisoqassaaq. Kiisalu konto pingaarnermut 20.05.31-imit, Kommunini aningaasartuutaanerusussanut immikkoortitanut tunngasumit, konto pingaarnermut 20.05.20-mut, Kommuninut ataatsimoortumik tapiissutitut tunngasumut, 212.000 kr.-it nuunneqarnissaat qinnutigineqarpoq. Aningaasat Kommune Kujallermi rangerimik kujataani aaqquissuussinermut tapiissutitut ilassutigineqassapput, tamannalu kujataani nunap kulturikkut nunalerinikkullu eriagisassatut UNESCO-p nunarsuarmi eriagisassatut allattorsimaffianut juli 2017-imi ilanngunneqarnerata nassataraa. Ilulissani Kangiani rangerimik aaqquissuussinermik aamma taamatut tapiissuteqartoqartarpoq.

Konto pingaarnermut 40.01.08-mut Ilinniartitaanermut immikkoortumut tunngasumut pilersaarut

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerneqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 28)

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 2-p ataani allannguutissatut siunnersuutit nr. 20-mit 39-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

### 4.3. Sammisag 3 – Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat

Qulequttami tassani allannguutissatut siunnersuutininik 7-inik Naalakkersuisut saqqummiussipput. Allannguutissatut siunnersuutit taakku IST-p inerneranut 2018-imi ukiunilu missingersuusiorfiusuni ukiumut 6,3 mio. kr.-inik ajorseriaataassapput.

Suliassaqarfik 24-imi akileraarutit akitsuutillu ataatsimoortut allannguutissatut siunnersuutini ukiumut 10 mio. kr.-inik missingersuutininut ajorseriartitsipput, tamanna pineqartumi ineriartornermi kisitsisit kingulliit tunuliaqutaralugit siunnersuutaavoq. Konto pingaarnermi 24.11.14-imi, Naqissusiinermut akitsuutininut tunngasumi, isertitassatut missingikkat ukiumut 10 mio. kr.-inik qaffanneqarnissaat siunnersuutigineqarpoq, tamannalu namminersortut sanaartorneranni pitsaasumik suli ineriartortoqarneranik tunngaveqarpoq, tassani 2017-imi piginneqatigiilluni inissianik sanaartornerit, nammineq inigisamik pisinerit (attartortumit piginnittumut) il.il., taamaammallu ukiuni aggersuni naqissusiinermi akitsuutinit annertunerusumik isertitaqarnissaq naatsorsuutigineqarpoq.

Konto pingaarnermi 40.10.12-imi, Efterskolinut tunngasumi, ukiumut aningaasartuutissatut missingikkat 2,7 mio. kr.-inik appartinneqarnerat Aningaasaqarnermut Akileraartarnermullu Ataatsimiititaliamut AIS 2018-imut tunngatillugu apeqqutinik akissutigineqartut nassatarisaannik pivog. Tamanna tunngavigalugu nalilerneqarpoq konto pingaarnermi annertuallaamik missingersuusior-toqarsimasog. Allannguutissatut siunnersuut aqqutigalugu 2018-imi aningaasaliissutit 2017-imi aningaasaliissutaasut amerlaqatigilissavaat. Aningaasaliissutinik appaanerit suliassaqarfimmi ingerlatassatut naatsorsuutigineqartunut sunniuteqassanngilaq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 3-p ataani allannguutissatut siunnersuutit nr. 40-mit 46-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

### 4.4. Sammisag 4 – Aningaasartuuteqarnerunissamik kissaatit

Qulequttami tassani allannguutissatut siunnersuutininik 2-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2018-imi 2,7 mio. kr.-inik ukiunilu missingersuusiorfiusuni ukiumut 2,4 mio. kr.-inik ajorseriaataassapput.

Qulequttami tassani 2018-mit 2020-imut 2,4 mio. kr.-inik 2021-imilu 1,4 mio. k.r.-inik konto pingaarnermi nutaami inatsisitigut piumasaqaataasumut 24.06.12-imut, Pensionisianut tapiissutininut tunngasumut, aningaasaliisoqarnissaa qinnutigineqarpoq. Aningaasartuutaanerusog aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 7, 6. juni 2016-imeersumi (Soraarnerussutisiaqarnissamut aaqqissuussinernut nunani allaniittunut akiliutit akileraaruserneqartarnerat) § 2-mi inatsisitigut piumasaqaataavoq. Inatsit naapertorlugu piffissami ikaarsaariarfusumi piumasaqaatit naammassineqarsimatillugit pensionisianut akiliutininut tapiissuteqartoqartarpoq. Konto pingaarnermi tapiissutit inatsisitigut piumasaqaataasut namminersortuni suliffeqartunut naatsorsuussaapput. Pisortani (kommunini

Namminersorlutillu Oqartussani) suliffeqartuni tapiissutit pensionisianut akiliinernut atatillugu ingerlaavartumik akilerneqartassapput.

Kiisalu konto pingaarnerup 10.01.01, Naalakkersuisut Siulittaasuata Naalakkersuisoqarfianut tunngasup, 2018-imi 0,3 mio. kr.-inik qaffaavigineqarnissaa qinnutigineqarpoq, taakkulu Saammaasseqatigiinnissamut Ataatsimiititaliap ukiup naanerani suliaminik naammassinninnerat kingorna Naalakkersuisut Siulittaasuata Naalakkersuisoqarfiata uppersaasarsuinerminik naammassinnillunilu atortunik il.il. toqorterinissaanut atorneqassapput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 4-p ataani allannguutissatut siunnersuutit nr. 47-mit 48-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

#### **4.5. Sammissaq 5 – Suliassanik kommuninut nuussineq**

Qulequttami tassani allannguutissatut siunnersuutinik 5-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Qulequttami tassani atualernissaq sioqqullugu atuarfeqarnermullu tunngasuni sanaatornermut aningaasaliissutit Namminersorlutik Oqartussanit kommuninut nuunneqarnissaat qinnutigineqarpoq. Kommuninut aningaasanik nuussinissat Naalakkersuisut kommuninut suliassanik nuussinissamik kissaateqarnerannik tungaveqarput. Tunniussinissaq kommuninut 2018-imut ataatsimoortumik tapiissutit pillugit isumaqatigiisummi uppersaasarsuineqarpoq. Isumaqatigiisut allafissornikkut naammassillugu suliarineqareerpoq, maannalu borgmesterinut KANUKOKA-mullu atsiorneqartussanngorlugu nassiunneqareerluni. Tunniussinissaq ulloq 17. oktober 2017 Politikikkut Ataqtigissaarisooqatigiinni, Naalakkersuisunut ilaasortanit borgmesterinillu ilaasortaaffigineqartumi suliarineqassasooq ilimagineqarpoq. Taamattaq ilaqtariinnut katsorsaavinnut ilaqtariinnullu højskolinut tapiissutit kommuninut nuunneqarnissaat qinnutigineqarpoq.

Tunniussinissanut taakkununga tunngatillugu aningaasat nuunneqartut suliassanut taakkununga atugassaanerat kommuninut erseqqissaatigineqarpoq.

#### Konto pingaarnermut 20.05.20-mut Kommuninut ataatsimoortumik tapiissutit

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerneqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 50)

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 5-ip ataani allannguutissatut siunnersuutit nr. 49-mit 53-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

#### **4.6. Sammisag 6 – Kontumit pingaarnermut atugassanngortitsineq, 20.11.70 Suliniutinut nutaanut sillimmatit**

Qulequttami tassani allannguutissatut siunnersuutinik 4-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2018-imi ukiunilu missingersuusiorfiusuni ukiumut 1,9 mio. kr.-inik pitsanngoriaataassapput.

Qulequttami uani inuusuttunut suliffeqanngitsunut ilinniagaqanngitsunullu ikaarsaarnissamut suliniutinut 5 mio. kr.-it atugassanngortinneqarnissaat qinnutigineqarpoq. Tassunga atatillugu konto pingaarneq 40.92.10, Folkehøjskolinut tunngasoq, 5.371.000 kr.-inik qaffaavigineqassasoq qinnutigineqarpoq, tamannalu folkehøjskolit pillugit Inatsisartut inatsisaata UPA 2017-imi allanngortinneqarnerata malitsigaa. Inatsisinik allannguinnikkut højskolinullu aningaasaliinerunnikkut atuartunik amerlanerusunik tigusinissamut periarfissat pitsaanerulissapput, taakkulu atuarfimmil inaarutaasumik misilitsinnernik ingerlatsisinnaanerata inatsisitigut toqqammavis-sinniarneqarpoq.

##### Konto pingaarnermut 40.92.10-mut Folkehøjskolit

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerneqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 57)

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 6-ip ataani allannguutissatut siunnersuutit nr. 54-mit 57-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

#### **4.7. Sammisag 7 – Konto pingaarneq 20.11.51 Aaqqissuusseqqinerit sunniutaat**

Qulequttami tassani allannguutissatut siunnersuutinik 6-inik Naalakkersuisut saqqummiussipput. Allannguutissatut siunnersuutit taakku IST-p inerneranut 2018-imi ukiunilu missingersuusiorfiusuni ukiumut 174.000 kr.-inik pitsanngoriaataassapput.

‘Isumaginninnikkut aaqqissuusseqqinneq’-mik suliniutip konto pingaarnermi atugassanngortinneqarneranut atatillugu matumani allannguutissatut siunnersuummik saqqummiussisoqarpoq. Tamanna ineqarnermut tapiissutinik tunniussinermi atugassarititaasut pitsanngorsarnissaannut attuumassuteqarpoq, siunertamullu aningaasaliissutissatut ukiumut 16,5 mio. kr.-it immikkoortinneqarput. Ineqarnermut tapiissutinik tunniussinermut tunngavissarititat Naalakkersuisunit nalunaarut aqqutigalugu aalajangersarneqartarput. Aningaasat konto pingaarnermut 30.11.10-mut, Ineqarnermut tapiissutinut tunngasumut, kiisalu 20.05.20-mut, Kommunitut ataatsimoor-tumik tapiissutinut tunngasumut, atugassatut qinnutigineqarput.

Kiisalu suliniut ‘Inuussutissarsiortut akileraaruserneqartarnerannik aaqqissuusseqqinneq’ UPA 2017-imi inatsisissatut siunnersuutip akuersissutigineqarnerata kingorna allartinneqassasoq qinnutigineqarpoq.

##### Konto pingaarnermut 20.11.51-imut Aaqqissuusseqqinnerit sunniutaat

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerpeqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 60 aamma 61)

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 7-ip ataani allannguutissatut siunnersuutit nr. 58-imit 63-imit **akuerineqassasut** Aningaasaqarnermut Ataatsimiititaliamit **inassutigineqarpoq**.

#### **4.8. Sammissaq 8 – Nukissiuuteqarnermi akigitinneqartut aaqqissuuteqqinnerat**

Qulequttami tassani allannguutissatut siunnersuutininik 11-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2018-imi 328.000 kr.-inik ajorseriaataassapput aammalu aningaasat ukiuanni 2019-imi 10,9 mio. kr.-inik, 2020-mi 13,4 mio. kr.-inik 2021-milu 13,9 mio. kr.-inik pitsanngoriaataassallutik.

Nukissiuuteqarnermi akigitinneqartut aaqqissuuteqqinnerannut atatillugu qulequttami allannguutissatut siunnersuutit arlallit saqqummiunneqarput. Qulequttap imarisai immikkut saqqummiussissummi Naalakkersuisunit suliarineqareerput, taamaammallu uani erseqqinnerusumik nassuiaateqarfigineqassanngillat. Taamaattorli ilanngussaq 1-imi takuneqarsinnaavoq konto pingaarnermut 20.05.20-mut, Kommuninut ataatsimoortumik tapiissutinut tunngasumi, aningaasaliissutit 23 mio. kr.-inik apparneqarnissaat qinutigineqartoq. Appaaneq aaqqissuusseqqinnermi innaallagissap erngullu akiisa apparnerisa nassatarisaannik kommunit aningaasartuutininik sipaaruteqarnerisa kinguneraat. Allannguutissatut siunnersuut kommunini ataasiakkaani sipaarutigineqartussatut naatsorsukkanik aallaaveqarpoq. Ataatsimoortumik tapiissutit appartinneqarnerat kommuninut ataatsimoortumik tapiissut pillugu pingaarnertut isumaqatigiissummut tapiliussami ilanngunneqassaaq, tapiliussamilu sammisat allat peqatigalugit taanna suliarineqassaaq. Aningaasaliissutissanut allanut ilaatigut ilaapput KNI-mut sullissinermut isumaqatigiissummut akiliutip appartinnera kiisalu pisortat suliffeqarfiisa innaallagissamut imermullu akinik aaqqissuusseqqinnerup nassatarisaanik sipaarutigineqartut annertoqqataannik iluanaarutisiatut pissarsiaat. Taamatuttaaq pisortanut oqartussanut aningaasaliissutit innaallagissamut imermullu aningaasartuutininut sipaarutit amerlaqataannik appartinneqassapput. Taamattaq akileraarutitigut sunniut il.il. aningaasaliinermi toqqammavimmut ilaatinneqarpoq, innaallagissamut imermullu aningaasartuutikinnerulerneq suliffeqarfiit namminersortut sinneqartoortuannut pitsannguisaaq, taamaalillunilu 2019-imi suliffeqarfiit akileraarutaat annertusissalluni. Akileraarutinullu sunniutip aatsaat 2019-imi atorneqarsinnaalerneratigut 2018-imi aningaasalersuissutissat annikitsumik amigartoorfiussapput. Taamaattoqassappat amigartoorut Naalakkersuisoqarfimmut aningaasaliissutit iluanni nassarineqassaaq. Innaallagissap erngullu akiata aaqqissuuteqqinneqarnerata nassatarisaanik ingerlatseqatigiiffiit akileraarutaanit iluanaarutit qaffaataat kommuninut tussappata, tamanna kommuninut ataatsimoortumik tapiissutit nalimmassarnerannut ilanngunneqassaaq. Taamaalilluni akinik aaqqissuusseqqinneq innuttaasunut namminersorlutillu suliffeqarfimmut iluaqutissanngussaaq. Taamattaq ilanngussaq 1-imi allassimavoq konto pingaarnerup 20.11.56-ip, Missingersuutininik allaffissornikkut iluarsinermut tunngasumut, ataani ukiumut 11,7 mio. kr.-inik sipaaruteqarnissaq naatsorsuutigineqarpoq. Sipaarut taanna Namminersorlutik

Oqartussani ingerlatsivinnut attuumassuteqarpoq, tassunga ilanngullugit assersuutigalugu allaf-fissuit kiisalu ilinniartitaanermut peqqinnissaqarnermullu suliassaqrarfiup ataani suliffeqarfiit. 2018-imut tunngatillugu sipaarutigineqartut 2018-ip allartinnerani ilassutitut aningaasaliissutik-kut atugassanngortinneqarnissaasa qinnutigineqarnissaat eqqarsaataavoq.

Sammissaq 8-mut Nukissiuuteqarnermi akigitinneqartut aaqqissuuteqqinnerat

Konto pingaarneq una pillugu ataatsimiititaliaq aningaasanut inatsisissatut siunnersuutit pingajussaaneerineqarnissaa sioqqullugu allakkatigut akisassanngorlugit apeqquteqalersaarpoq. (Allannguutissatut siunnersuut nr. 64-imit 74-imut)

Allannguutissatut siunnersuutitunut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 8-p ataani allannguutissatut siunnersuutit nr. 64-imit 74-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

## **5. Oqaasertaliussanut allannguutissatut siunnersuutit**

### **5.1 Naalakkersuisut oqaasertaliussanut allannguutissatut siunnersuutaat**

Oqaasertaliussanut allannguutissatut siunnersuutit katillugit 16-inik Naalakkersuisut siunnersuuteqarput.

Oqaasertaliussanut allannguutissatut siunnersuutit teknikimut tunngassuteqarnerupput. Siuller-mik biilinit innaallagissamik ingerlateqartunut, plug-in-hybridbiilinullu akitsuuteqartitsinngin-neq ukiumik ataatsimik sivitsorneqarpoq. Akitsuuteqartitsinnginneq maanna atuuttoq ukiup nikinnerani qaangiutissaaq. Oqaasertaliussat akuerineqanngippata biilit innaallagissamik ingerl-atillit plug-in-hybridbiilillu biilinit eqquusuinermullu akitsuutit qamutitunut motoorilinnut nalin-ginnaasunut atuuttunut malittarisassat akigititallu naapertorlugit akitsuusersugaalissapput. Akit-suusersueriaatsimik nutaamik inatsisissatut siunnersuummik 2018-imi upernaakkut ataatsi-miinnermi saqqummiunneqartussatut ilimagineqartumik suliaqartoqarpoq.

Appaattut isumaginninnermi ikiorsiissutini meerarsiaqarnermut ajunngitsorsianik ilanngaateqar-nermik, piffissami pineqartumi isertitanik toqqammaveqartumik aaqqissuussineq nanginniarne-qarpoq. Aaqqissuussineq taanna 2017-imili Aningaasaqarnermut Akileraartarnermullu Ataatsi-miititaliap ilassutitut aningaasaliissuummik akuersineratigut atulersinneqarpoq. Aaqqissuussi-nerup inatsisinik toqqammaveqalernissaa siunertaralugu tulliani Inatsisartut ataatsimiinnissaanni saqqummiunneqartussamik inatsisissatut siunnersuummik suliaqartoqarpoq.

Pingajussaattut aningaasat atorneqanngitsoortut tunngaviumik inatsit pillugu isumalioqatigiis-sitamut nuunneqarsinnaanerannik periarfissaq ilanngunniarneqarpoq.

Sisamassaattut isumaginninnermi immikkoortumi ulloq unnuarlu angerlarsimaffiit illunik minnerusunik, illuaqqanik katsorsaanermut siunertaqartumik atorneqartussanik pisisinnaanermut piginnaatinneqarput.

Tamatuma saniatigut ilinniartitaanermi immikkoortumi sanaartornermullu immikkoortumi akigititanik annikinnerusunik iluarsiissuteqartoqassaaq.

Konto pingaarnermut 27.03.01-imut Inatsisinut Tunngaviusunut Isumalioqatigiissitaq aamma allattoqarfik

Kontomi pingaarnermi matuani pineqartumi atuinikinnerussutaasut Aningaasaqarnermut Akile-raartarnermullu Ataatsimiititaliap akuersissuteqareerneratigut aatsaat aningaasanut inatsisip ukiuanut tullermut nuunneqarsinnaanerannik Naalakkersuisut taamaallaat piginnaatinneqarnissaat ataatsimiititaliamit isumaqatigiittumit kissaatigineqarpoq.

Ataatsimiititaliap kissaataanut naapertuuttumik allannguutissatut siunnersuummik siunnersuutip pingajussaaneerneqarnissaanut saqqummiusseqqullugit Naalakkersuisut qinnuigineqarput. (Allannguutissatut siunnersuut nr. 78)

Konto pingaarnermut 64.13.23-mut Majoriaq

Konto pingaarneq una pillugu ataatsimiititaliaq aningaasanut inatsisissatut siunnersuutip pingajussaaneerneqarnissaa sioqqullugu allakkatigut akisassanngorlugit apeqquteqalersaarpoq.

(Allannguutissatut siunnersuut nr. 89)

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 75-imit 77-imut aamma 79-imit 90-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuut nr. 78 **itigartinneqassasoq** Aningaasaqarnermut Ataatsimiititaliamit **inassutigineqarpoq**.

## **6. Aningaasaqarnermut Ataatsimiititaliap inassuteqaatai**

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.

Sammissaq 1-ip ataani allannguutissatut siunnersuutit nr. 1-imit 19-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuutit nr. 20-mit 39-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuutit nr. 40-mit 46-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 4-p ataani allannguutissatut siunnersuutit nr. 47-mit 48-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 5-ip ataani allannguutissatut siunnersuutit nr. 49-mit 53-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 6-ip ataani allannguutissatut siunnersuutit nr. 54-imit 57-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 7-ip ataani allannguutissatut siunnersuutit nr. 58-imit 63-imut **akuerineqassasut** Aningaasaqarnermut Ataatsimiititaliamit **inassutigineqarpoq**.


Sammissaq 8-p ataani allannguutissatut siunnersuutit nr. 64-imit 74-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 75-imit 77-imut aamma 79-imit 90-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuut nr. 78 **itigartinneqassasoq** Aningaasaqarnermut Ataatsimiititaliamit **inassutigineqarpoq**.



Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq.**



---

Jens Immanuelson,  
Siulittaasoq




---

Randi V. Evaldsen  
Siulitaasup tullia



---

Ineqi Kielsen




---

Kelly Berthelsen

---

Martha Lund Olsen



---

Bendt Kristiansen



---

Peter Olsen